

## Aningaasaqarnikkut pissutsit 2. kvartal 2021

### Aningaasaqarnerup ineriartornera

Naatsorsueqqissaartarfiup qaammatikkaartumik, kvartalikkaartumik ukiullu affakkaarlugit kisitsisitigut paasissutissanut saqqummersittagaanut ilassutitut aningaasaqarnikkut pissutsit pillugit kisitsisitigut paasissutissat, aningaasaqarnerup ineriartornerata ilaanut uuttuutitut atorneqarsinnaasoq, saqqummersinneqartarpoq. Naatsorsueqqissaartarfiullu aningaasaqarnikkut pissutsit kisitsisitigut paasissutissaat kvartalikkaartumik saqqummersittarpai. Tabelit ataani takutinneqartut kiisalu kisitsisaataasivik 2021-mi 2.kvartali tikillugu kisitsisinik imaqarput.

### Takussutissaq 1. Ingerlaavartumik naatsorsukkat

	2020		2021		pct. allannguut 2020-2021	
	1. kvf.	2. kvf.	1. kvf.	2. kvf.	1. kvf.	2. kvf.
Atugassanik niuernikkut kaaviaartitat, (Naleq. 2010=100)	120,4	136,2	131,5	139,1	9,2	2,1
Kalaallit Nunaannut nassiussat annertussusaat, 1.000 kbm	84,9	142,0	95,1	133,4	12,0	-6,1
Kalaallit Nunaannut nassiussat annertussusaat, 1.000 kbm	58,7	83,6	59,1	67,1	0,7	-19,7
Ingerlaavartumik isertitanit akileraarutit <sup>1</sup> , mio. kr.	994,4	1.075,8	1.220,7	...	22,8	...
Eqquusuineri naqissusiinikkullu akitsuutit, mio. kr.	99,3	136,9	119,9	157,5	20,7	15,0
Eqquusuineri akitsuutit (motorillit pinnagit), mio. kr.	71,1	109,9	93,6	130,6	31,6	18,8
Eqquusuineri akitsuutit, angallatit motorillit, mio. kr.	10,5	16,8	10,2	14,7	-2,9	-12,5

Nassuiaat: 1) 2. kvartalimut paasissutissat aggustip naanerani taktukkusaapput, paasissutissat pineqartut taktuppata kisitsisaataasivimmut ilineqarumaarput. Najoqqutaq: [www.stat.gl/kon](http://www.stat.gl/kon)

### Takussutissaq 2. Killiffimmi naatsorsukkat

	2020		2021		pct. allannguut 2020-2021	
	1. kvf.	2. kvf.	1. kvf.	2. kvf.	1. kvf.	2. kvf.
Bankimit Taarsigassarsiarititat, mio. kr.	4.863,0	5.000,0	5.307,0	5.133,0	9,1	2,7
Bankimi Uningasautit, mio. kr.	6.935,0	6.873,0	6.670,0	7.087,0	-3,8	3,1
Pappialanut nalilinnut akiitsut, mio. kr.	3.638,0	3.703,6	4.450,7	4.698,8	22,3	26,9
Nunatta karsiata akiliisinaassusaa, mio. kr.	1.147,6	1.633,8	910,5	1.445,1	-20,7	-11,5
Pisortanut akiitsut <sup>1</sup> , mio. kr.	...	...	...	...	...	...

Nassuiaat: 1) Aningaasaqarnermi aqutsineri periutsip allanngornera kukkunersiuinerlu pissutaallutik 2021-mi ukiup affaani siullermi akiligassat ineriartornerat piffissanut allanut imaaliiallaanarluni sanilliunneqarsinnaanngillat.

Najoqqutaq: [www.stat.gl/kon](http://www.stat.gl/kon)

Takussutissaq 1 aningaasaqarnikkut pissutsinut uuttuutinik ingerlaavartumik naatsorsukkanik imaqarpoq, takussutissiarlu 2 aningaasaqarnikkut pissutsinut uuttuutaasunik killiffimmi naatsorsukkanik imaqarluni. Ingerlaavartumik naatsorsukkat tassaapput qaammammut imaluunniit kvartalimut annertussutit aningaasalluunniit ataatsimut katillugit kisinneri, killiffimmilu

naatsorsukkat tassaallutik piffissami pineqartumi – matumani kvartalip naanerani imaluunniit ukiup affaanut, aningaasat killiffiat.

### **Kisitsisaataasivik**

Kisitsitit tabelimi qulaani takutinneqartut Naatsorsueqqissaartarfiup kisitsisaataasivianiippat uuttuutinullu ataasiakkaanut periaatsimut nassuiaat nittartakkami [www.stat.gl](http://www.stat.gl) –imi Aningaasaqarnikkut pissutsinut pillugit saqqummersitami nassaarineqarsinnaavoq. Annertunerusumik paasisaqarusuttut Anders Blaabjerg oqarasuaat (toqqaannartoq) 34 57 81 atorlugu saaffigisinnaavaat.

### **Periaaseq**

Aningaasaqarnikkut pissutsinut ilaapput kisitsisitigut paasissutissat qaammatikkaartumik aamma kvartalikkaartumik saqqummersinneqartartut, nunami aningaasaqarnikkut pissutsinik sukumiisumik misissuinermi atorineqartartut.

Aningaasaqarnikkut pissutsinut ilaapput uuttuutit atorneqartut Kalaallit Nunaanni aningaasaqarnikkut pissutsinik ersersitsisut. Aningaasaqarnikkut pissutsip nuna tamakkerlugu naatsorsuutit tapertarivaat makkunatigut malinnaagasuartoqarsinnaalersillugu: Tunisassiorneq, inuinnaat atuinerat aamma pisortat atuinerat, aningaasaliinerit nunanillu allanik niueqateqarneq. Naleqqersuutit atorneqarsinnaanermi saniatigut aningaasaqarnikkut pissutsini pineqartut ineriartorneri ersersinneqarput.

Aningaasaqarnikkut pissutsit ineriartornerat aningaasaqarnermi qitiusut ineriartorneri malillugit ingerlavoq. Uuttuutit atorneqartut tooqqaannartumik aningaasaqarnermi pissutsinut sunniteqarneq ajoraluartut, Naatsorsueqqissaartarfimmit ilisimaneqarpat ass. uuttuutit atorneqartuni inatsisit tunngavigalugu allatigulluunniit allannguisoqarnerani, tamanna nalunaarutigineqassaaq kisitsisaataasivimmi tabelini notatiliornikkut.

Aningaasaqarnikkut pissutsinut paasissutissat uku ilaapput:

- Atugassanik niuernikkut kaaviiartitap naleqqersuutaa
- Nassiussat annertussusaat
- Bankimit taarsigassarsiaritit uninngasuutillu ukiup naanerani oqimaaqatigiissinneri
- Nalilinnut atukkiineq, pappialanut nalilinnut akiitsut
- Ingerlaavartumik isertitanit akileraarutit
- Eqqussuinermi naqissusiinikkullu akitsuutit
- Pisortanut akiitsullit allattorsimaffiat
- Nunatta karsiata akiliisinnaassusiata ukiup naanerani oqimaaqatigiissinnera
- Sanaartornermut Iluarsaassisarnermullu aningaasaateqarfiup atuinera – 1. kvartal 2020-mi atorunnaarpoq

Taakku saniatigut aningaasaqarnikkut pissutsit allat pigineqartut:

- Takornariartitsineq eqqarsaatigalugu Akunnittarfinni unnuisut aamma Timmisartumik angalasut
- Nunanik allanik niueqateqarneq eqqarsaatigalugu Kalaallit Nunaannut tunisat aamma Avammut tunisat
- Suliffissarsiortutut nalunaarsukkat
- Aalisarneq piniarnerlu eqqarsaatigalugit Tunisat aamma Aalisakkat akiinut naleqqersuut
- Atuisunut akit
- Sanaartornermi aningaasartuutinut naleqqersuut

### **Atugassanik niuernikkut kaaviiartitat**

Atugassanik niuernikkut kaaviiartitat ineriartornerup takutinnessaa siunertaraat, tassunga ilanngullugit inuinnaat atuinerisa ineriartornerat. Kvartalikkaarlugit Kalaallit Nunaanni niuertunit anginernit pingasunit Naatsorsueqqissaartarfimmit kisitsisit pissarsiarineqartarput. Niuertunit kisitsisit pissarsiarisat ataatsimoortinneqartarput. Taakkunani kaaviiartitat naleqqersuutaattut naatsorsorneqartarput, naleqqersuutip ineriartornerata takutittarpaa atugassanik niuernikkut kaaviiartitat ineriartornerat. Naleqqersuut tassaavoq ukiumut tunngaviumut kvartalimut kaaviiartitat agguaqatigiissinnerisa naatsorsornerat, kvartalimi allanngortoqaraangat kvartalimi agguaqatigiissitsinermi naleqqersuut allanngorsimasarpoq.

Naleqqersuut aamma ukiup ingerlanerani piffissanut immikkoortiterlugit iluarsineqartarpoq. Ukiumut allanngorarnerit taamaasillutik salinneqartarput. Ukiup ingerlanerani piffissanut immikkoortiterlugit iluarsaassineq X-12-ARIMA aamma malitassaq JDemetra+ -imi pissarsiarineqarsinnaasoq atorlugit suliarineqartarpoq. Ukiup ingerlanerani piffissanut immikkoortillugit iluarsaassineq ingerlaavartumik suliarineqartarpoq, ukiumullu ataasiarluni malitassaq malillugu suliarineqartarluni. Periuseq pillugu paasissutissiinermi ukiup ingerlanerani piffissanut immikkoortillugit iluarsaassinerit immikkut allaaserineqarput.

### **Nassiussat annertussusaat**

Nassiussat annertussusaasa kisitsisitigut paasissutissaasa nioqqutissanik eqqussuinnermut uuttuuteqarnissaq siunertarivaat. Naatsorsueqqissaartarfiup nassiussat annertussusaat kvartalikkaarlugit Royal Arctic Line A/S (RAL)-imit pissarsiarisarpai. Kisitsisitigut paasissutissani pineqartuni uuttuut 1.000 m<sup>3</sup> atornerarpoq.

Kalaallit Nunaanniit avammut tunisat RAL kisiat aqqutigalugu pineq ajorpoq, ilaatigut Islandimut aalisakkanik tulaassisoqartarpoq, timmisartukkullu nioqqutissanik eqqussuisoqartarluni. Nassiussat annertussusaat ataatsimoortinneri naatsorsukkani taamaallaat ersersinneqarput. Nassiussat annertussusaat immikkoortitigaapput. RAL-ip nassiussat ima immikkoortitertarpai.

**2018-imi aamma 2019-imi nassiussat annertussusaat pct.-inngorlugu suussusiinut aamma nassiussat akornanni agguaqatigiissillugu qanoq annertutiginerinut immikkoortillugit.**

	Kalaallit Nunaannut	Kalaallit Nunaannit
Nassiussat nalinginnaasut . . . . .	65,5	6,4
Bilit,		
angallatit,entreprenørmaskiinallu . . . .	5,7	0,5
Usit navianartut . . . . .	2,0	1,7
Nassiussat allequtsikkat . . . . .	1,4	0,0
Igitassat nassiussat . . . . .	0,0	3,6
Nassiussat annertuut . . . . .	3,2	0,6
Tankcontainerit . . . . .	0,4	0,0
Nassiussat kissassutsimi/nillissutsimi		
aalajangersimasumiittussat . . . . .	19,1	82,5
Angallannermut atortut . . . . .	2,8	4,7

Malugiuk 2018-imi aamma 2019-imi nassiussat agguaqatigiissinneri naatsorsorneqarput.

**Bankimit taarsigassarsiarititat uninngasuutillu ukiup naanerani oqimaaqatigiissinneri**

Kisitsisitigut paasissutissani Kalaallit Nunaanni bankimit taarsigassarsiarititat uninngasuutillu kiffartuussiviit sorliit taarsigassarsisimanersut aamma sorliit uninngasuuteqarnersut ilanngullugit ersersinniarneqarput.

Nationalbankimit Kalaallit Nunaanni Danmarkimilu bankini taarsigassarsiat aamma uninngasuutit Kalaallit Nunaanni najugalinnit pigineqartut nalunaarsorneqarsimapput. Nationalbankip kisitsisitigut paasissutissioriaaseq MFI ineriartortissimavaa, taanna atorlugu 2013-imi 3. kvartalimiit taarsigassarsiat kiffartuussivinnit sorlernit taarsigassarsiaanersut takuneqarsinnaapput, takuuk linki ilanngussa. [Ny og mere detaljeret MFI-statistik](#)

Kisitsisitigut paasissutissat kiffartuussivinnut ukununnga immikkoortitigaapput:

- 1000 Kiffartuussivinni tamani
- 1100 Ingerlatsiviit aningaasaliineq ajortut
- 1200 Ingerlatsiviit aningaasaliisartut, aningaasaqarnermik suliallit aamma suliffeqarfiit aningaasaliisartut (MFI) ilanngunnagit
- 1300 Pisortat ingerlatsinerat sullissinerallu
- 1400 Angerlarsimaffinni ulluinnarni atortut
- 1500 Sulliviit iluanaarniarfiunngitsut ulluinnarni angerlarsimaffinni atortunut tunngasut (NPISH)

Nationalbankip kiffartuussiviit aamma suliaqarfiit nalinginnaasut immikkoortiternissaannut immikkut ittumik periutsimik suliaqarsimavoq. Kiffartuussiviit aamma suliaqarfiit nalinginnaasut immikkoortiternissaannut periuseq Nationalbankip [sektormanual](#)-iani atuarneqarsinnaavoq.

Taarsigassarsiarititat uninngasuutillu ukiup naanerani oqimaaqatigiissinneri naatsorsorneqarmata taarsigassarsiat piffissap naanerani atuuttut

ersersinneqarput. Oqimaaqatigiissitsinerup ineriartornera tunngaviit assiinnngitsut sisamat oqimaaqatigiissitsinermut sunniuttartut atorlugit suliaavoq, tunngaviit pineqartut tassaapput:

- Ilanngaatisat ilanngaatigereerlugit nuussinerit
- Annaasat
- Aningaasat nalingisa nikerarnerisa nalimmassarneri
- Klassifikationinik iluarsaassineq

*Ilanngaatisat ilanngaatigereerlugit nuussinerit aamma (klassifikationinik iluarsaassineq/taarsigassarsiat allanngortinneri) tassaapput tunngaviit initunerpaat. Naatsorsuutit aamma kisitsisitigut paasissutissat sukumiinerusut Nationalbankip nittartagaani pissarsiarineqarsinnaapput. [www.nationalbanken.dk](http://www.nationalbanken.dk)*

Nunani allani bankini taarsigassarsiaritit uningasuutillu ilanngunneqanngillat, aamma suliffeqarfiit iluini ingerlatsivinnit taarsigassarsiat ilaanngillat.

### **Nalilinnut atukkiineq, pappialanut nalilinnut akiitsut**

Nalilinnut atukkiineq, pappialanut nalilinnut akiitsut pillugit kisitsisitigut paasissutissat realkreditinik atukkiisartunit aningaasaliisoqartarnerata ineriartornerata nalunaarsorneqarnissaa siunertaavoq.

Nalilinnut atukkiineq, pappialanut nalilinnut akiitsut pillugu Naatsorsueqqissaartarfik Finanstilsynemut paasissutissanik pissarsisarpoq, aningaasanik sunut atukkiisoqarsimanagera tamakkiisoq nalunaarutigineqartarluni. Piffissap ingerlanerani oqimaaqatigiissitsinerit nalunaarutigineqartarput, tassa piffissap naanerani aningaasat annertussusaat nalunaarutigineqartarlutik.

Aningaasanik taarsigassarsisitsinerit sunut atugassaanerinut immikkoortitigaapput.

### **Nalunaarutiginninnermi pigisat suuneri ima immikkoortitersimapput:**

<b>Pigisat suuneri</b>	<b>Pigisat suuneri itisilerlugit</b>
Illut nammineq pigisat	Illut nammineq pigisat
Inissialiortiternermut tapiissutit	Inissialiortiternermut tapiissutit
Piginneqatigiilluni inissiat	Piginneqatigiilluni inissiat
Illumik nammineq pigisamik attartortitsineq	Illumik nammineq pigisamik attartortitsineq
Suliffissuaqarfiit aamma sanaartorfiit	Illuutit suliffissuaqarfiit aamma sanaartorfiit (innaallagiamik pilersuineq ataatsimoorussa q ilanngullugu)
Allaffiit aamma niuertarfiit	Illuutit allaffiit aamma niuertarfiit
Isumaginnittoqarfik aamma piorsarsimassutsimut tunngasut	Illuutit isumaginnittoqarfik aamma piorsarsimassutsimut tunngasunut atortussiat

Nalunaarsuinerit pillugu paasissutissat sukumiinerusut Finanstilsynip nittartagaani pissarsiarineqarsinnaapput. [www.finanstilsynet.dk](http://www.finanstilsynet.dk)

### **Ingerlaavartumik isertitanit akileraarutit**

Ingerlaavartumik isertitanit akileraarutit pillugit kisitsisitigut paasissutissat isertitanit akileraarutit iluanaarutitaasa ineriartornerisa nalunaarsorneqarnissaat siunertaavoq. Paasissutissat A- aamma B-isertitanit akileraarutinit ingerlaavartumik naatsorsukkat Akileraartarnermut Aqutsisoqarfimmit pissarsiarineqartarput. Ingerlaavartumik isertitanut akileraarutit ukununga immikkoortinneqarsimapput; nunamut tamarmut akileraarutit, kommuninut ataatsimut akileraarutit, nunamut tamarmut immikkut akileraarutit aamma kommunimut akileraarutit.

Isertitanit akileraarutinit iluanaarutit ineriartornerinik nalilersuinermit isertitanut akileraarutinit malittarisassat allanngortinneqarneri ilanngunneqartussaapput. (Ass. nunamut tamarmut akileraarut 1. januaari 2013-imi allanngortinneqarpoq 11 pct.-imiit 10 pct.-inngortinneqarluni, aamma Kommuneqarfik sermersuummut kommunimut akileraarut 1. januaari 2014-imi allanngortinneqarpoq 25 pct.-imiit 26 pct.-imut.

### **Piffissap aalajangersimasup iluani akileraarutit**

Naatsorsuutit eqqarsaatigalugit ukiumut 15-eriarluni isertitat akileraaruserneqartarput. Aningaasaqarnikkut pissutsini piffissat 1-13 ukiumut pineqartumut ilanngunneqartarput, piffissat 14 aamma 15 ukiup tullianut 1. kvartalimut ilanngunneqartarput. Taamatut piffissamik immikkoorsitsinermit kvartalikkaarlugit akileraarutaasartunut uuttuutilersuinissaq eqqarsaatigineqarpoq, ukiumut akileraarutaasartunut uuttuutilersuinissaq pivallaarnagu.

Nunamut tamarmut akileraarutit aamma nunamut tamarmut immikkut akileraarutit ilutigalugit nunamut akileraarutit akileraaruteqartoqartarpoq akileraarfiusuni tamani. Nunamut tamarmut akileraarutit taakku nunamut tamarmut akileraarutit Kalaallit Nunaanneersut sinnerinut ilanngunneqartarput.

### **Eqquusuinermit naqissusiinikkullu akitsuutit**

Pillugit kisitsisitigut paasissutissat eqquusuinermit naqissusiinikkullu akitsuutinit iluanaarutit ersersinneqarnissaat siunertaaraat, taamaasilluni nioqqutissat eqquussukkat naqissusikkat ineriartornerannut uuttuuteqalersitsippat.

Naatsorsueqqissaartarfimmit eqquusuinermit naqissusiinikkullu akitsuutit kvartalikkaarlugit Akileraartarnermut Aqutsisoqarfimmit pissarsiarineqartarput. Eqquusuinikkut naqissusiinikkullu akitsuutit allanngorneri nalilersuinermit ilanngunneqartarput. Akitsuutit 18. novembari 2019-imi allanngortinneqarput.

## Nioqqutissanut eqqussuinermi akitsuutit ima agguataarneqarsimapput

Pisiassat suuneri	Akitsuutit nr.
1.1 Sioraasat/kaffi/tii	1+2+3
1.2 Sukkulaatit	4
1.3 Immiaaraq	11+12+13+14+15
1.4 Viinni	16+17+18+19+20
1.5 Imigassaq	21+22+23+24+25+26
1.6 Cigarette	43
1.7 Tupa alla	41+42+44+45+46+47
1.8 Mineralvandi	31+32+33+34+35+36+37
1.9 Poortuut	34+35
1.10 Neqi	51-imit 62-imut
1.10 Angallatit motoorillit	71-imit 84-imut aamma 92-imit 99-imut
1.11 Tipigissaatit	90
1.12 Assigiinngitsut + qummoroortartut	70+il.il.

### Eqqussuinermi naqissusiinikkullu akitsuutit

Eqqussuinermi naqissusiinikkullu akitsuutit tassaapput pisiassap akiata nalingata ilaa pisinermi imaluunniit pisianik pisinermi Namminersorlutik Oqartussanut akiliutigineqartartoq, pigisanut qularnaveeqqutit imaluunniit pigisanut taarsiissutaasinnaasutut, ass. umiarsuarnut angallatinut sunngiffimmi atorineqartartunut. Illuutinik nammineq pigisanik aamma piginneqatigiilluni inissianik pisinertit ilaatigut akitsuutit ineriartornerannut sunniuteqartarput.

Paasissutissat akitsuusersukkanut tunngasut sukumiinerusut Akileraartarnermut Aqutsisoqarfiup nittartagaani pissarsiarineqarsinnaapput. <http://aka.gl/da/Borger/AFGIFT/Afgiftslove/Indfoerselsafgifter>

### Pisortanut akiitsut

Akileraartarnermut Aqutsisoqarfik ukiumut marloriarluni pisortanut akiitsunik naatsorsuisarpoq, januarimi aamma juli/aggustimi. Ullormi oqimaaqatigiissut tunngavigalugu nalunaarsorneqarput, tassa pisortanut akiitsut januarip aallartinnerani aamma juulimi/aggustimi annertussusaat nalunaarutigineqartarlutik. Pisortanut akiitsut assigiinngitsunut 20-nut immikkoortitikkat nalunaarutigineqartarput. Pisortanut akiitsut suunerinut aamma akiitsut annertussusiinut immikkoortitigaapput. Tabelimi ataani allassimasumi takuneqarsinnaapput 2019-imi ukiup affaani siullermi aningaasat kr.-inngorlugit annertussusaat katillugit annertussusaanut sanilliunneri.

Akiligassat kingusinnerusukkut akiligassarilikkat A-akileraarutinut ilanngunneqartarsimagaluartut maanna immikkut nalunaarutigineqartalerput.

## 2019-imi ukiup affaani siullermi pisortanut akiitsut, akiitsut annertussusaat pct.-inngorlugu

	Suliat amerlassusaat	Akiitsut annerussusaat pct.-inngorlugu
Akiitsut tamakkerlugit .....	100,0	100,0
Meeqqanut akilersuutit .....	25,9	38,8
Akilerarutinut akiligassat .....	0,3	2,3
ESU .....	0,0	3,9
A-akilerarutit .....	0,8	1,9
Ingerlatseqatigiiffiit akilerarutaat .....	0,0	0,0
Ineqarnermut akiliut .....	1,5	5,7
Akilerarutit erniaat .....	0,4	0,2
Kommuninut akiitsut assigiingitsut .....	6,3	4,3
Ikorsiissutit akiligassat .....	1,6	2,5
Ilinniarnermi taarsigassarsiat .....	0,3	1,4
Meeqperiivit .....	8,7	1,6
Eqqagassat .....	36,8	3,7
Kommunini inuussutissarsiutinut taarsigassat .....	0,0	0,1
Namminersorlutik Oqartussanut akiitsut assigiingitsut .....	4,2	2,3
Ineqarnermut tapiissutinik taarsigassarsiat .....	0,1	1,7
Namineq illulionermi taarsigassarsiat .....	0,1	0,4
Innaallagialq/Imeq .....	2,6	0,3
Meeqqanut inissinneqartunut angajoqqaat akiitsui .....	7,7	3,2
Nunat Avannarliit piunasaqaataat .....	0,3	1,1
Akiitsut allat .....	2,4	0,2
Akilerarutitigut annasaqaataasunut immikkoortinneqartut .....	...	24,3

Pisortanut akiligassat ataasiakkaarlugit nassuiaataat Akilerarnermut Aqutsisoqarfiup ukiumoortumik nalunaarusiaani atuarneqarsinnaapput.

### Nunatta karsiata akiliisinnaassusiata ukiup naanerani oqimaaqatigiissinnera

Namminersorlutik Oqartussani qitiusumik naatsorsuuseriffiup (DcR) nunatta karsiata piffissaq sivikitsoq eqqarsaatigalugu akiliisinnaassusia naatsorsortarpaa. Naatsorsuineq pisarpoq aningaasaatit uku malillugit:

- Bankimi uninngasuutit (karseniittut ilanngullugit)
- Obligationit

Piffissap pineqartup naanerani qaammammi kingullermi nalunaarsuinerit suliarineqarsimapput, tassa kvartali qaangiukkaangat, qaammatini marsi, juuni, septembari aamma decembari nalunaarsorneqartarlutik.

### Sanaartornermut Iluarsaassisarnermullu Aningaasaateqarfik

Namminersorlutik Oqartussani qitiusumik naatsorsuuseriffiup (DcR) qaammatikkaarlugit Sanaartornermut Iluarsaassisarnermullu Aningaasaateqarfiup atuinera nalunaarsortarpaa. Nalunaarsuinerit ukununnga pingaarnernut immikkoortitigaasarput:



- Inissiat (sanaartorneq iluarsaassinerlu)
- Sanaartornermut Aningaasaateqarfimmit taarsigassarsiaritit Nukissiorfiit (sanaartorneq iluarsaassinerlu)
- Suliffeqarfiit (sanaartorneq iluarsaassinerlu)
- Sinneri mittarfiit ilanngullugit (sanaartorneq iluarsaassinerlu)

DcR-imit Sanaartornermut iluarsaassisarnermullu Aningaasaateqarfiata atuisimanagera nalunaarsorneqartarpoq piffissap naatsorsuiffiusup qaangiunnerani, ukiumut piffissat naatsorsuiffiusartut 13-iupput, qaammatit 12-iusut piffissallu naanera aamma ilaalluni. Saqqummersinneqartartumi aningaasaqarnikkut pissutsini nalunaarsueriaaseq allanngortinnagu atornerqarpoq. nalunaarsuineq ukiup ataatsip iluani atuuttoq naatsorsuutsit 13-it katinnerisigut suliarineqarput.

Kvartalikkaarlugit nalunaarsuinerit 4. kvartalimi nalunaarsuutit oktobarimi, novembarimi, decembarimilu atuineq piffissap naanerani atuinertut nalunaarutigineqarpoq.

Sanaartornermut atuineq sukumiinerusiq Sanaartornermut Iluarsaassisarnermullu Aningaasaateqarfiup nalunaarsuutaani suliarineqartarpoq. Taassuma saniatigut Aningaasaqarnermut Inatsimmi sanaartornermut ataasiakkaanut nassuiaatit atuarneqarsinnaapput.

1. kvartal 2020 aallarnerfigalugu tabeli Sanaartornermut Iluarsaassisarnermullu Aningaasaateqarfimmut tunngasup kisitsisita nutarterneqaqqissanngillat. Sanaartornermut Iluarsaassisarnermullu Aningaasaateqarfimmit atuineq ukiuni kingullerni millisimavoq, tamanna pissuteqarpoq allanik sanasitsisoqartarnera. Taakku saniatigut kommunit pisortat pigisaanut inissianik sanaartornermik aamma aqutsinernik akisussaaffeqarnerulernikuupput, tamannalu pissutaalluni aamma Sanaartornermut Iluarsaassisarnermullu Aningaasaateqarfimmit atuineq millinikuulluni. Taakku pissutigalugit nalilerneqarpoq Sanaartornermut Iluarsaassisarnermullu Aningaasaateqarfik uuttuutit atussallugu tulluarunnaartoq.

### **Saqqummersitat**

Aningaasaqarnikkut pissutsit kvartalikkaartumik saqqummersinneqartassapput emailikkut nutaarsiasatut nalunaarutigineqartassallutik. Kisitsisaataasivimmuut kisitsisit nutaat ilineqartassapput kisitsisit tiguneqaraangata, kingusinnerpaamik kvartalip naagaangat qaammat ataaseq qaangiunnerata missaani.

### **Kukkunernut pissutaasinnaasut**

Kalaallit Nunaannut aamma Kalaallit Nunaannit ukiup siuliani nassiussat annikitsumik iluarsineqartarput. Kisitsisit pineqartut allanngortarnerinik tamanna pissuteqarpoq. Taamaattumik ukiut kingulliit marluk nassiussat annertussusaat kisitsisaagallartarput.

### **Sanaartornermut Iluarsaassisarnermullu aningaasaateqarfik**

Ukiumi kingullerni kisitsisit kisitsisaagallarpur, ukiup naanerani qaammatini siuliini kisitsisit annikkaluamik iluarsineqarsinnaappur.

### **Akit ingerlaavartut aamma akiviusut (nominelle priser/realpriser)**

Nalit pillugit datat aningaasat nalikilliarternat ilanngunneqarsimanngillat. Aningaasaqarnikkut pissutsit taamaallaat suliarineqarpur akit ingerlaavartut atorlugit. Akiviusut tunngavigalugit suliaqarnermi nalinginnaasumik nali appasinnerusarpoq.

### **Isertitanit akileraarutininik naatsorsuineq**

Piffissap nikinnera pissutaalluni naatsorsuinermi nalorninarterninaavoq. Ingerlatsivinniit suliffeqarfinniilluunniit nalunaartussaataitanermit Akileraarternermit Aqutsisoqarfimmut naatsorsuutit assigiinngisitaarsinnaasarpur, taamaasilluni naatsorsuutit piffissamik nikingasoorsinnaallutik, assersuutigalugu naatsorsukkanik kingusinarluni tunniussisoqartillugu.

Piffissami naatsorsuisarneq pissutaalluni aamma sulinngiffeqarnissamut aningaasarsiassat Akileraarternermit Aqutsisoqarfiup ukiup ataatsip iluani piffissaq 15-imik taasagaanni naatsorsorneqartarmata, sulinngiffeqarnermi aningaasarsiassat ukiup tullianut 1. kvartalimut ilanngunneqartarpur.

### **Eqqussuinermi naqissusiinikkullu akitsuutit**

Piffissap ilaanni ukiup nikinnera apeqqutaatinngu akitsuutit nikeriarujussuarsinnaasarpur. Inuup ataatsip, quersuarmut ilisassanik amerlasuunik pisinerata kingunerisaanik, taamaattoqartillugu ukiup siuliani pisianit allaanerusumik isikkoqartitsilersinnaasarpur.

### **Sanaartornermut Iluarsaassisarnermullu Aningaasaateqarfik**

Imaasinnaavoq Sanaartornermut Iluarsaassisarnermullu Aningaasaateqarfimmi naatsorsuutini immikkoortitsinerit DeR-imit pineqartartunit naggasiutinut ilaannginnerat. Imaasinnaavoq aningaasaqarnikkut pissutsinit nalunaarsuutit Sanaartornermut Iluarsaassisarnermullu Aningaasaateqarfimmit allaanerusut.